



## CONCELLO DE CARNOTA

Praza San Gregorio, 19  
15293 CARNOTA (A Coruña)  
C.I.F.: P-1502000-A  
Telf.: 981 857032  
correo@carnota.gal  
www.carnota.gal

### RESOLUCIÓN DE ALCALDÍA

**ASUNTO:** APROBACIÓN DAS BASES DO CAMPAMENTO ALDEA DE VERÁN 2026

#### ANTECEDENTES:

1. Aldea de Verán pretende ser unha oferta educativa que, o Concello de Carnota, a través do Departamento de Servizos Sociais, lles ofrece ás familias co fin de conciliar a vida persoal, laboral e familiar durante as vacacións de verán e, ao mesmo tempo, contribuír á formación socioeducativa da rapazada que participe neste campamento estival.
2. Este campamento está dirixido á rapazada de 3 a 12 anos.

#### CONSIDERACIÓNS LEGAIS E TÉCNICAS:

O artigo 21 da Lei 7/1985, do 2 de abril, reguladora das bases do réxime local establece as atribucións que ostenta o alcalde.

De acordo con todo o indicado, RESOLVO:

1. Aprobar as bases do Campamento Aldea de Verán 2026 anexas a esta Resolución.
2. Dar conta desta Resolución ó Pleno.

Asinado dixitalmente na data que figura ao marxe.

O Alcalde  
Juan Manuel Saborido Rama

Dou fe. O Secretario  
José Luis Veiga Sierra

## BASES DO CAMPAMENTO “ALDEA DE VERÁN 2026”

Aldea de Verán pretende ser unha oferta educativa que o Concello de Carnota, a través do Departamento de Servizos Sociais, lles ofrece ás familias co fin de conciliar a vida persoal, laboral e familiar durante as vacacións de verán e, ao mesmo tempo, contribuír á formación socioeducativa da rapazada que participe neste campamento estival, con actividades atractivas dende o punto de vista educativo, cultural e convivencial.

### 1.DESTINATARIOS/AS

O programa está dirixido á rapazada con idades comprendidas entre os 3 e os 12 anos (ambos incluídos) matriculados/as no segundo ciclo de Educación Infantil ou Primaria, estarán divididos en grupos de traballo segundo a idade.

### 2.NÚMERO DE PRAZAS

Ofértanse 80 prazas no mes de xullo e 70 prazas no mes de agosto.

### 3.CRITERIOS DE SELECCIÓN (NON EXCLUÍNTES) E ADXUDICACIÓN DAS PRAZAS

Para outorgar as prazas teranse en conta os seguintes criterios, segundo a puntuación que se indica na seguinte táboa:

CRITERIOS	PUNTUACIÓN
Participantes empadroados/as no Concello de Carnota, xunto con, polo menos, 1 proxenitor/a ou titor/a legal. Cunha antigüidade superior a 6 meses.	20
Familias nas que ambos os proxenitores ou titores legais traballen ou familias monoparentais ou monomarentais traballando.	6
Familia monoparental ou monomarental	2
Familia numerosa categoría xeral	2
Familia numerosa categoría especial	3
Familias con fillas/os con certificado de discapacidade	2 (por filla/o que presente certificado de discapacidade)
Vítimas de violencia de xénero	2
Renda <i>per cápita</i> igual ou inferior a 10.000 €	2

A omisión de información ou a falsidade dos datos ou dos documentos achegados serán causa de denegación, con independencia da incoación do correspondente expediente sancionador.

A adxudicación das prazas realizarase da seguinte maneira:

- Adxudicación directa: se as solicitudes non superan o número de prazas ofertadas.
- No caso de que as solicitudes superen as prazas ofertadas, a selección dos/das aspirantes realizarase en función do cumprimento dos requisitos da táboa anterior, asignando praza directa aos que teñan a maior puntuación ata cubrir a totalidade das prazas.

No caso de que se produzan empates nas puntuacións, realizarase un sorteo público entre as/os aspirantes que teñan a mesma puntuación, realizaranse tantos sorteos como empates se produzan ata cubrir as prazas e establecer a orde da lista de agarda.

Dado que un dos obxectivos desta actividade é favorecer a conciliación da vida laboral e familiar, nos sorteos que de ser o caso se realicen, os irmáns irán na mesma papeleta.

#### 4.PRAZO DE PRESENTACIÓN DE SOLICITUDES E DOCUMENTACIÓN

O prazo para a presentación das solicitudes abrangue dende o 4 ata o 8 de maio, ás 14:00 horas (ambos incluídos).

Xunto co modelo de solicitude deberán xustificar documentalmente os requisitos declarados nela:

- Volante de empadramento ou autorización para a comprobación dos datos no padrón municipal.
- Vida laboral dos proxenitores ou certificado de servizos prestados.
- Xustificación acreditativa de familia monoparental ou monomarental.
- Título de familia numerosa.
- Certificado do grao de discapacidade.
- Documentación xustificativa da situación de violencia de xénero, en vigor.
- Declaración do IRPF correspondente ao ano 2024. Certificado de imputacións de renda, emitido pola Axencia Estatal de Administración Tributaria.

Cabe a posibilidade de valorar situacións familiares de especial dificultade, previo informe elaborado polo persoal técnico do Departamento de Servizos Sociais, dándolle prioridade a estas situacións.

Estes requisitos deben cumprirse na data da aprobación destas bases.

#### 5.HORARIOS

Este campamento levarase a cabo de luns a venres, durante os meses de xullo e agosto, agás os festivos. O horario será de 10:00 a 14:30 horas, mais ofrecerase a posibilidade de incorporarse ás 08:00 h da mañá, naqueles casos en que sexa necesario para favorecer a conciliación da vida persoal, laboral e familiar.

#### 6.PREZO

Os prezos son os seguintes:

1 filla/o	90 €/mes
2 ou máis fillas/os	60 €/mes por cada filla/o a partir do segundo

As familias numerosas ou familias con persoas con certificado de discapacidade beneficiaranse dun desconto do 25 %, sobre a cota que lle corresponda, con independencia do número de fillas/os matriculados no campamento.

Cabe a posibilidade de quedar exento/a de pago, previo informe elaborado polo persoal técnico do Departamento de Servizos Sociais, sempre que a familia acredite unha situación económica precaria.

O pago da cota correspondente está suxeito á resolución dunha subvención da Secretaría Xeral de Igualdade, para este fin. No momento en que sexa publicada esta resolución no DOG, será posto en coñecemento das familias e informarse se deben proceder ao pago da cota correspondente.

#### 7.NORMAS DE FUNCIONAMENTO

Deberanse comunicar á persoa encargada da actividade os cambios que se produzan en relación cos datos que figuren na folla de inscrición.

Prégase puntualidade na entrega e recollida da rapazada.

**Máis de catro faltas de asistencia** sen xustificar ao campamento poderán ocasionar a baixa na actividade. Neste caso, ofertaráselle a praza ao neno ou nena que corresponda segundo a orde establecida na lista de agarda.

## 8.OBSERVACIÓNS

1. Recoméndase vestimenta e calzado cómodo.
2. Cómpre que as/os participantes boten crema solar antes de saír da casa e que traian unha pequena merenda para a media mañá, unha gorra e unha botella de auga.
3. No caso de que se realice unha actividade acuática deberán traer unha bolsa con traxe de baño, toalla, chancletas e crema solar.

## 9. COMISIÓN DE VALORACIÓN

A comprobación dos criterios de selección e da documentación achegada, será realizada por unha comisión de valoración, que queda constituída polos seguintes membros:

Titulares:

1. Traballadora social do Concello de Carnota
2. Educadora familiar do Concello de Carnota
3. Técnica de información xuvenil do Concello de Carnota

Suplentes:

1. Técnica de deportes do Concello de Carnota
2. Técnica de cultura do Concello de Carnota
3. Técnica de normalización lingüística do Concello de Carnota

## 10. PUBLICIDADE

As bases e as resolucións que se diton neste procedemento publicaranse no taboleiro de anuncios da sede electrónica do Concello de Carnota (<https://sede.carnota.gal/opencms/es/informacion/>) e na páxina web do Concello de Carnota (<https://www.carnota.gal/taboleiro-anuncios/>).

A lista de admitidos, excluídos e de agarda será publicada co nome e apelidos do representante da persoa para a que se solicita a praza.